



昌黎有云物不得其平則鳴。風籟水波候。天地之間凡有聲者皆是而人言亦然。其善鳴者而假之鳴。自明季迄今以詩鳴者其初入於歷下公安竟陵之雲霧而正聲微近。又以塵俗里鄙淺滑無稽為香山着山誠齋放翁而雅道替若玉禾田生其善鳴者乎。雕鏤景物陶冶性靈時寄其幼眇之思而絕去感激怨懟無不平之語。何其雅以正也。歐陽子謂詩殆窮而後工。今生之詩其以窮而工耶。抑工而遂至於窮者耶。余謂人苦不能工耳。北門南山反情易慮。何嘗不足以

鳴自明季

昌黎有云

物不得其平則鳴

一唱而三歎也。生勉乎哉。以生之才得如東野。奏
名春官。承明著作之廷。舍生安屬。抒下情而宣上
德。斐然有作。興感不同。音節亦異。要其工。豈有二
哉。余既賞生風簷一日之長。而又序生之詩。固願
生之和平其聲。以鳴國家之盛也。提督兩江學政
右春坊右中允兼翰林院編修海寧楊中訥序

漁人之入武陵源也。丹嶂翠巘。懸厓高瀑。村落瀟
爽。草木香茂。居人淳古。雞犬皆僊。應接不暇。耳目
眩駭。步步入勝。久而安之。便覺應爾。迨辭此中人
出。惟見流水。菴花。千峰萬壑。徒增悵望。自嫌骸體
忽爾。頑重。麤濁而已。讀梅嶼詩。乍一開卷。恍有胡
麻飯。骨引人鼓。柅而前。精神踊躍。及一掩卷。則惘
然如失。梅嶼身有僊骨。句耐人咀味。茲刻特百中
之一耳。生平不喜作橐。落筆有兔起鶻落。少縱則
逝之勢。然亦不自寶愛。書畢輒棄。留几案。僧舍旅
店。船艙。或友人書齋中。見者多矣。余每以是責

梅嶼兩大以此相付原藉以發其靈氣顧浪擲
之得毋衰乎予初與梅嶼不相識於張樸園夫子
采芳集中讀擬表一道便深歎慕恨不得見康熙
乙酉歲孟夏同應

天子詔至秦淮始訂交時郡伯陳滄洲夫子集應試
名下士五百餘人校以各體詩梅嶼出素綾冊頁
作大小楷及行草書此數百人皆闕筆環視相睥
眦以爲神異或有代爲磨墨者則心折無以加矣
滄洲夫子果以第一人目之迎

天子駕于麒麟門獻樂府三十首迴文七言律詩二

首賦一首

至尊爲止輦詢鄉里名姓而畱其冊當時官長紳士
耆幼下及厮卒與茜裘黛眉之輩莫不指而目之
梅嶼其榮甚矣因滄洲夫子卽謝郡事遂不獲薦
嗣是又兩躡棘闈余復兩晤梅嶼或歌或涕惟我
兩人互相慰藉今年秋得梅嶼寄書謂檢破篋得
僅存詩若干首予向以棄擲見誚讓今則將費梨
棗可爲我序余讀其作或藻麗芊綿或幽曠閑逸
或慷慨雄渾如天孫濯錦雲霞初張如澹花瘦石
清月搖映如玉門歸將撫劍論兵如源湧星宿漲

添九曲遠山送顰近山含笑山平川開林麓斷絕
奇峰插天巖岫蒼莽予展卷而不知身之入武陵
也掩卷而不知身之出武陵也但覺予忽爾仙都
忽爾濁界予於梅嶼終瞠乎後也予安能爲梅嶼
詩作序哉太湖同學弟魯一貞

梅嶼天資爽逸仙才颯發嗜古力學家貧不可支
日則酬應逋負辦結薪米晚入侍慈闈曲承色笑
夜分始張鐙書室問日間人所囑筆墨事或筭或
聯賀唁文及碑銘等作一一了結封識付童子始
任意讀書每謂予曰偶一展卷如穿窬入金谷寶
玩燦列眩奪目晴時旣無多力復有限不知當取
何物而雞聲已動矣傷哉此言予才與學兩不逮
梅嶼而境則同也憶梅嶼弱冠時以校詩賦見賞
于許時庵夫子厥後遂爲同社友俱少年罕所累
晤時非有裨益于學問則絕不齒及夏子桐莊許

子柳亭徐子越江許子王子兩溟蕭子立亭
程子卬浦共九人佳晨夕必聚佳山水必探分題
闡韻率以爲常今則越江兩溟柳亭墓俱宿草柳
莊雙谿行登仕版唯予與卬浦立亭梅嶼窮益甚
茲刺玉禾山人集窺斑管中終非全豹以予所見
警句如題浮濃嶺云雲護半山月風銷一夜霜滁
州道中云亂水爭危壑一蟬響衆山題孟廟云孔
門功冠三千士周室生虛五百年邨居雜咏云詩
成驢背半肩雨酒醒山腰三面風雞母負雞咏螳
陣狸奴戲草撲蠶衙湖上吟云野樹模糊隨斥遠

晚雲重疊較山多咏曉鐘云雨雲竟夢初驚後名
利心思未動前林外冷穿霜月地枕邊響斷曉風
天咏晚鐘云一山暝色僧行脚千樹莢花寺閉門
摹神繪影清美新異苦鍊窮雕悉由天拔乃爲集
中所不載知遺者多矣夫席門陋巷歌聲金石自
足稱風流人豪設非生計窮窘俾得恣意寢食於
古夫其學力所至當愈不可測哉梅嶼尚其勉之
同學弟東閣倪岱

王禾山人集目錄

卷一

趙樹邨莊錄 詩四十八首

卷二

龍舒集 詩二十四首

卷三

秦淮集 詩七十三首

卷四

黃蘗齋稿 詩三十二首

卷五



鴻影草 詩十七首

卷六

霞鶯吟 詩五十四首

卷七

金臺遊草 詩十五首

卷八

梅嶼詩鈔 詩八十八首

卷九

綠楊亭詞 五十八首

綠楊亭詞續集 三十二首

卷十

賦 三首

丁禾山人詩集卷一

合肥田實發梅嶼撰

趙樹邨莊錄

村居謾興

秧綠齊時選日栽，老翁簷外立相催。
恰看婦子田間去，一片濃雲挾雨來。

村男手足盡塗泥，村婦筠籃饁舍西。
更沒閒人家裏住，桑陰深處午雞啼。

雨後天青晚照斜，山光五色爛於霞。
牧童猶未除蓑笠，牽得烏犍出棟花。

雞犬雖多盡不喧。陰陰野巷熟梅天。築隄界破沙塘水。半養魚苗半種蓮。

漫興

少年得意是耽幽。藏拙何須待白頭。紅雪滿山花入夏。黃雲捲地麥先秋。偶隨燕子來前浦。旋買魚苗上小舟。邂逅隣翁供濁酒。映邨明月夜相留。舊詩改就兩三章。舉動隨心了不忙。竹徑土鬆纔迸笋。稻圩水滿未分秧。僧來可意茶能澹。鳥轉多情花自香。一榻斜添蘄簟滑。會看占取黑甜鄉。車馬何曾破綠苔。荷鉏行處竹籬開。忍冬藤密花

堪采。半夏苗長藥可培。遶屋烏因爭樹鬧。隔谿僧爲借棋來。此中消息人知否。巖穴溪栖稱不才。

小隱

謾言潁水與桐江。只此幽蹤未易降。午夢欲來因送客。南風初到恰開窗。湖心日過帆千幅。山脚時飛鷺一雙。小隱吾廬原自愛。若詢民俗更敦龐。

贈曉雲上人

葛衫瀟灑嬾披緇。三十年來老衲師。癡念難消因琢句。貪心未斷是圍棋。每當狂喜全無賴。說與閒愁總不知。久欲名山尋伴去。雲蹤爲我暫相羈。

圍棋

從來勝算在先圖，慎莫輕分黑白途。下指不逢敵國手，滿盤贏却也成輸。

送曉雲之浮山

曉風吹雲自舒卷，天北天南無近遠。只我能留芳樹間，石上楸枰爲君展。忽然告我不可留，颺颺欲作浮山遊。浮山山上最佳處，粘我詩篇在上頭。

秋日同曉雲過訪寶山上人蘭若

牆均菡豆發寒花，水際人煙三四家。乍滌稻場秋寂莫，爭歸鳥陣晚喧譁。釣船得句推蓬詠，僧舍贏

棋攘臂誇世上許多憂樂事，等閒籌畫謗相賒。

郵居

面水西南任一邨，秋深落日對柴門。隣翁入郭官編戶，隔渡呼人客販犍。布已滿機棉委地，糟初出榨酒盈尊。款關報道先生訪，又辦冬烘教子孫。

郊廬雪夜有懷先大人痛成絕句十首

幽廬無往亦無來，窗淺簷低總雪堆。化了紙錢癡立處，含悽添插幕前梅。

未歇炊煙蚤閉門，漫天雪霰覆孤邨。煨殘楮拙渾無賴，上得紅燈旋又昏。

柴扉雪後接春光每喚相隨共遠望孤影背人還
不于西山正好哭殘陽

年年寒景逼江村但奉慈顏春已溫自煮六花成
苦茗分斟蕞盞賜兒孫

剜膚和藥疾曾瘳尚感期願養未酬今日追隨王

父母不將風木怨松楸

先王母疾大人糜股肉進疾遂愈後王父母殯大
人每語兒輩設汝祖父母在今壽當幾何矣既

而淚下曰雖壽幾何以方之上壽者尚可奉也獨我命不
辰耳當佳晨夕兒輩侍側必爲此言迄今猶恍乎在耳焉

女孫病後乍堪携驚見飛花強咲喜驀記年時娛
膝下百般憐惜慮風吹

一般色笑夢中看開眼方知見面難悔煞飢驅常

遠出朝昏菽水少承懽

笑言每向夜分休往事真如逝水流記得課書多
勸勉弟兄列坐膝橫頭

貧歸長是雪霏霏歲歲紅爐許共圍今夜朔風丘
墓冷還垂清泪繞靈衣

十年閱盡世途艱總竊虛名是枉然幸有慈闈堪
祇奉麻衣爭似綵衣鮮

雪後江行竹枝

千里濤聲日夜流梁山兩點素蛾愁太平時節無
烽燧空設沿江望敵樓

層層銀浪接天涯船往船來無定期沙背纔過風
已換落蓬剛是打蓬時

凝江寒玉望中遙流作水漸半未消一抹明霞紅
日下連山天際白峒巖

舩樓回首暮雲深雪後雖晴更似陰滿眼西風無
過雁三山橫截大江心

一派晴江萬櫂聲早潮纔落晚潮生六代煙鬟何

處認昏鴉飛過石頭城

記丙子深秋觴梅嶼於莫愁湖畔畫舫煙波
依稀如昨荏苒數年來不復相見近甫握手

即讀新詩孤舟歲晚獨往來于晴江殘雪間以英年藻采之筆發竹枝
清脆之音抱膝長吟慨當以慷想其胸次當復何如也歸水王旣跋

春日訪曉雲蘭若

春水綠周遭春畦僧自薈雲孤偏作兩松小亦成
濤但可烹楛茗何從命濁醪靜中思往事相對感
潘毛

山居

疑與塵寰兩不通卜居深在好山叢東風吹散春
雲綠現出桃花萬樹紅
屐痕一半是苔封睡起花陰聽午鐘不過谿塘知
幾日偶來因種木夫容

睡魔詩思兩難降推枕微吟月在窗一角小童邀
夜飲西鄰白酒乍開缸

琢句推敲每自怡疎慵貫日未成詩朝來花下饒
狂興連勝山僧數局棋
絲絲垂柳晚風疎獨上橫橋襟乍攄雨後春雲堆
亂髮青天如鏡月如梳
起來新暎着春衣匝匝山花映曉暉教得稚童烹
蕨笋旋呼健僕架薔薇

與許雙溪表兄言懷

漁樵生計也全疎但遠囂塵學隱居鳥立樹梢徐
墜果風來簾罅自翻書息機不逐無虞鹿投嬾真
同脫輻輳長惜古人不耐冷却教揚意薦相如

幼女

廿載趨庭樂最深三年魂夢杳難尋憐渠弱小身
依膝觸我辛酸淚滿襟不比生男堪識字漸知隨
母學拈鍼自看亦具將雛愛傷盡臯魚一寸心

書懷奉寄柳亭舅氏

三首失稿

貧境偏饒百事寬讀書牕下又春殘輸完舊稅去
邑吏典盡綿衣無曉寒爲愛橄欖回味好不辭甘
蔗倒餐難輞川清興應佳甚香墨淋漓上井闌

陰雨戲書

連日南風帆滿湖釀成甘澍稻秧蘇雨絲高級欵

蛛網雷水微凹聚鴨雛屢乞長腰隣欲怨未經枵
腹婢先呼朝來偏有吟詩興載道泥淤免索逋

哭婦

嗚咽相呼坐榻前語言無力倍堪憐欲辭難下高
堂拜不及承歡到百年

中饋應知夙所長咄嗟真足辦壺觴如今縞素來
嘉客却向慈幃問酒漿

繡佛長齋女住持空箱典盡嫁時衣但將補綴餘
裘襖分與家人淚暗揮

是處都教藥餌隨三秋病骨強撐支最傷揮手長

辭夜嬰女雛男總不知

十年曾共飽黃齏對泣牛衣淒復淒慘絕秋風偏

鍛翻閨中不見杜羔妻

並翼呢喃春晝長將泥得草費商量而今結得巢

成後飛去飛來獨繞梁

頃刻羅幃與總幃丁寧一語願休違秋江蘆荻花
多少莫作傷心兒女衣

鑑奩脂盒任西東針線誰陪誦讀功憶煞于歸明
月夜一帆銀浪滿湖風

淚

一端錦綺織鴛鴦儔割破揉他不到頭夢好似雲容
易散淚多如雨不能收

玉禾山人集卷一終

玉禾山人詩集卷二

合肥田實發梅嶼撰

龍舒集

龍舒道中紀行一百韻

駛馬畏顛蹶飛帆憇傾覆兩人界一輿鞭驢隨癡
僕行李輕翛然動步頗亦速綿延跡長坂盤旋超
山麓漸入林樹中幽卉踐豐縟樹高百餘尺數圍
量不足古藤化蛟螭周遭互纏縛日光漏葉罅細
若出篩目野蝶爭黃白山椒半紅綠別有碎瑣花
無名香可掬或長如絲繩或小如米粟斑斑吐寒

豔苞翠團於菊作果累累懸珍珠紛攢簇淺絳與
深碧錯雜鮮重複中間僅容騎修途仍屈曲賞之
愁易罄豁開見平陸高低等牆垣密比森筠竹炊
煙散竹梢輕淡蒙羅縠不因午雞鳴焉知中有屋
未許見牛羊矧可覩眷屬桑麻在何所亦不聞杼
柚逆料倉囤盈罷亞與重稔旣堪忘得喪誰當加
榮辱嬾子羣熙熙終年寡刺促茲必隱者廬欣然
羨芳躅信美不可畱檐帷挂樸椒亂山迎人來夕
嵐面欲撲僧去野橋空閒雲起深谷秋水沉方潭
溇溇凍寒玉鷺鷥翻爛銀下淥雙鸚鵡斜陽落高

春餘輝映喬木山凹嵌紺宇鐘魚響斷續投止少
客肆行行就棲宿入門不暇揖空王坐梵竺皎月
檐際生顧兔肥在腹團光生五采軋軋扶輪軸高
唵謝莊賦胸臆感盈縮中秋夜氣涼鴻飛羽肅肅
露重天宇濕星疎彌燐煜殘螢霑人衣娟娟映明
蠋嗟此金風來鬢髮吹欲禿坐起不成瞑裊裊仍
彳亍愛鮮冠盜警更無豺虎毒隱几試假寐牕明
射朝旭雛僧驚蚤起瓦盆勸漱沫整衣禮跏趺須
臾伴饘粥輿人催出門巖路互回伏返望棲止處
孤峯天際矗圓石如鷺卵細砌魚鱗蹙東西散邨

落莖源罕通俗谿女始開門稚子纔出牧牧場頗
寬衍黑牯兼黃犢年歲方豐穰禾黍已成熟刈獲
良有餘秉穰遺嘉穀爰采岡上草春輶自爲麴想
彼藥就時便可釀新秫白酒燕親賓夸言勝醴醪
帛陣各編闌因知善養畜兒童解詩書高聲鬧村
塾家給禮自周任卹與媻睦少年無浮薄長老歸
敦篤因見古人風井里皆淳朴粵稽戰爭地江黃
及舒六偏饒篠蕩材漣漪寫淇澳王姥招不來仙
山徒盤鬱無雨鳴怒雷峭厓墜奔瀑萬鬣排松杉
清風吹謾謾故壘周郎蹤餘腥在殘鏃蘚碣臥斷

莽標題吳都督差勝西陵塋漳臺成虛築墜瓦裂
鴛鴦荒基走麋鹿攬衣升高丘遐睇更卑矚古今
自曠廓俛仰空蹉跎富貴若朝露勛業亦敗局悲
酸目中來萬感動相觸馮驩嗟扣鐔漸離愁擊筑
三閭楚竟沉五羊秦媵鬻誰迺鉗于市誰迺泣于
獄在水必方流在世必韞匱但爲才技驅因人故
碌碌聖言惜分陰奚翅提耳囑誦法貴及早努力
用自勗莫矜年歲芳流光如轉燭分明繫徽纆叢
棘任拘束胡爲甘針氈迺反棄苜蓿譬如性爽塏
終日坐卑溲舉眼憂網羅捫胸母鴻鵠龍飛橫天

衢所誤嗜燕月高蹈哉哲人妙道在無欲携籃摘
紫芝荷鋤掘白茯苓非敢企仙才紅蠶集玄籙出樵
古栢枝編籬種萊菔果腹愛董茶禦冬藏旨蓄暇
日弄磁基乘時修碌礪圖繪七月篇剝棗烹葵菽
饗殮本無虞籌車不須祝垂翅羞鷓鴣爲巢拙鵠
鷓過涉戒滅頂停輿快脫輻寧待白頭時雖悔莫
能贖願言托澗槃永矢以弗告

周瑜城

將軍銜羨鎖僧寮寂寞江東王氣銷秋水沉膠寒
藻靜斜陽燒壁晚山焦金陵無補東西漢銅甃難

藏大小橋一輩英雄各陵墓長松飾月影蕭蕭

冬日途中和王兩溟

凹凸城邊路紆回之字形鷺迷連浦白松占一山
青策衛多欹仄哦詩半睡醒欲知何處宿孤店火
熒熒

兩溟行笈檢示詠物諸作屬和三首

埃

征眸元有淚對此益茫茫但識路遠近不知愁短
長碧煙春後草紅樹驛邊霜來往相逢者風塵各
斷腸

筆

驟向市橋買藤梢製最新長隨金勒畔多與錦囊
親袖出章臺路携歸上苑春驕驄莫輕策伯樂易
相嗔

旅榻

何處同心帛流蘇未易張添寒與衾枕引夢到江
鄉壁倚鐺三足繩穿蟹一筐月光移瓦縫疑是夜
來霜

春日舒城郊外雜紀

密樹橋南春澗西數家平任草簷齊半日更無人

出入濃雲遮屋乳鴉啼

燒罷新畬土色宜放來尺水也漪漪倩人裝得春

犁好正是農家下種時

芳郊春盡水如煙傷午雞鳴桑樹巔翠竹編籬擔

稻種菜花南轉是秧田

柳葉飛英晚自香春殘猶覺袖風涼鵝兒出殼能

浮水掠破青萍似覘黃

犬入花叢不吠人鷺眠葉底嬾嗁春看他陌上提

筐女只恐而今尚姓秦

水塘西角亂蛙鳴滿耳喧囂聽自清忽地雨聲三

兩點春雲縫裏月弓明
淺澹春山入望微孤煙落日兩依依烏犍黃犢無
人牧自傷荂花隄畔歸
柳邊久立綿霑袖花下微哦蝶上巾最是一年情
與好真堪喚作賞春人

禽言四章

摘桑摘果他人果摘未可春深夏淺不畱一繭五
月鳴機不餘寸絲良人不歸爨無火爨無火摘桑
摘果

提壺提壺且提壺弟嗑嗑師百壺壺欲枯提再酌

盃在手壺在途口流涎衣淋漓扶不起擦如泥六
十日昏不知提壺提壺胡盧提

姑惡姑不惡妾命薄妾如絲姑不絡妾工縑姑不
着姑之子爲妾夫水湯湯逝何辜姑乎姑乎誰與
視姑

行不得哥哥昨日雉罹于羅苦竹深窠夜多息其
羽山之阿朝陽鳳鳴欲往從之奈阻長何未行焉
知行不得行矣不行何可得

感舊

十二年間春夢迷不堪重睹綠煙絲斜陽斷送黃

昏兩淚眼愁眉十萬枝

呢喃燕子畫堂深一片悲酸戀故心來與主人珍
重別不知清泪溼紅襟

題蠶蛭爭落花圖

一陣紅香墜素紈雄黃雌粉鬧春殘等閒又逐東
風散從此春光不易看

謔妓

怨粉愁朱病裏身誤因宋玉賃東鄰笑啼境到渾
難主新舊官來容易嗔嫩柳莫欺三月雨嬌花好
護一欄春少年不是多情者為惜多情兩黛顰

為某妓題扇

扇月團團障素羅曲房深處憶笙歌一般花下逢
嬌面只是而今悵惘多

十年力倦柳花輕便不霑泥也不驚偶向風前開
一笑莫將狂態認多情

玉禾山人集卷二終

玉禾山人詩集卷三

合肥田實發梅嶼撰

秦淮集

康熙四十四年四月二十四日應

制恭和

御製回舟至常州府甘霖大霈元韻七言律詩二
首

麥浪秧針萬井田太平

天子省方年澤隨

帝履陰陽泰雲繞

龍飛九五乾練浦曉奩開綠靚畫溪新燈繪潺湲
聖朝無逸

懷柔廣効順牽靈呵護虔

海隅清晏樂桑田豈獨江南大有年萬國風
同惟用吳

一人首出自承乾遙知八表霑洪澍近看千膳饗

翠爔

辰極盡酬箕畢願天垣環拱合加虔

恭

進

聖主春巡樂府二十首

洋洋

聖化洽垂裳萬玉彤墀拜

紫皇五十季來

宵旰意泰階平處頌無疆

猶

勤時邁念民依帳殿帷宮決

萬幾黃道日行當正午三春草木盡生輝

太和景物最芳菲繡鞞珠珂度翠微宮扇開
時分日月杏花煙裏拓黃衣

歡呼父老望

青旂歲歲兒孫耕

帝畿萬井扶犁春雨足紅桃花下綠蓑衣

沃野春阡似畫連桑椹桑葉逗鮮妍綠雲堆
裏藏紅雪正是江南蠶熟天

緣山錦纜轉陂陁穀雨初晴節氣和翠巘丹
厓皆化日採茶唱出太平歌

橫飛地軸指黃河沉玉塞芟汜濫多今日澄
清流萬里直通銀漢是

恩波

紅雨香風吹滿隄

御河千里縠紋齊青畦紫陌無驚擾

天廐長閒八駿蹄

百丈罽毼金綫交蛟螭窟底慶新拋不教寶
氣畱滄海網得珊瑚七尺高

金山埕勢俯江東海日生時江半紅喜自
宸遊飛麗藻鸞翔鳳翥卿雲中

金翅扇開雙鳳舞金根車動六龍飛南天
日近瞻黃道南極星高映

紫微

綵霞綺旭擁霓旌匝地歡呼萬歲聲正是
君王天壽節紫桐花下鳳匏鳴

葵藿都堪供

御厨同時忭舞在康衢呼嵩野老多淳朴繪出
函風獻壽圖

千仞吳峰俯翠巒金波飛上綵雲端神州赤
縣無窮極都向山河影裏看

蠲稅何殊戶賜金閭閻餘力戴

恩深常懷寸草酬春意盡有黃葵向日心

帆輕風正指江臯日麗南天

振綵毫何事玉簫共金管不煩桂檝與蘭橈
睿製輝煌植大觀紅雲紫霧繞漫漫臣民屏息欣
瞻拜不敢擡頭仔細看

宸翰章天綵鳳騫臨摹百爾媿鸞鶴秋蛇春蚓皆
庸下也獻微長奉

至尊

響動連稽門巷幽邨邨綠樹聽鳴鳩黃雲翠
浪瀾漫處

天爲農家喜麥秋

夾屏秧鉞刻水青

御舟行處樹來寧
試看滯穢兼遺棄
紅勃天庾俎豆馨

百靈拱衛

帝車前六馭親臨
泰岱先萬姓歡聲
騰溥海千年盛事
洽敷天

爽李叢中築

御隄鸞旂鳳繖拂雲齊
不知

聖武安邊徼會到天山瀚海西

萬譯共球王會圖黃脣紫舌震

訂謨不須干羽歸文德
只此還當勝有虞

憂樂常通億兆心
青雲紅日曉光臨
下方快覩

時巡典直自成周
便到

今

賜絹寧期復

賜醕百年壽域與春臺
抱孫鼓腹衡門下

恩自九重天上來

松柏幽香禹廟陰
特加禋祀及春深
八年四載隨刊力
總是憂勤天下心

岳視三公瀆視侯

聖朝統馭在懷柔
高深協應羣靈衛
甘雨祥風逐豫遊

雲中屢見下金雞
時泰芒銷貫索低
自是春風益宇宙
園扉芳草綠萋萋

西子湖波宛轉通
太平景物羨春融
晚煙橫
燈玻璃綠曉日開
奩鞋鞞紅

生成兩大感無私

聖主當陽健順宜
雲布海藏皆惠澤
萬年景運卜

從茲

恭

進

聖主春日南巡迴
文七言律詩二首

新恩特慰望鳴喁
澤沛勤宣詔課農
春甸遠環青輦鳳
曉煙輕繞翠旗龍
塵飛恰映花邊路
日出初高天外峰
麟趾仁聲騰叟稚
巡遊屢見喜年豐

仙羣列岸遠飄香
嘒鳳簫韶雲樂張
綿邨柳深初蔭綠
鏡澄河廣不流黃
天南麗日紅輪曉
斗北高星紫極光
年卜萬分千卜世
聖時清代盛虞唐

賦得一朶紅雲捧玉皇

以下三首陳滄洲夫子試院作

彤闕頰霞瑞彩飛九重闔闔射光輝南天麗日躔黃道北斗群星翼紫微但見凝旒還執玉應知旰食與宵衣泰階平正文昌耀風動虞琴不待揮

賦得朝朝染翰侍君王

玉皇香案吏金闕掌書仙
啖唾星辰上光輝日月邊
賦成驚綺綰字就愛珠員
搦筦馳天馬揮豪渴蕊困龍文堪獨舉
蟲臂忍空鐫自入臯夔列常依
堯舜前一人看出震五位仰承乾
鵠峙通明殿鶴趨經史筵
簪裾真奕奕丰度益翩翩
何幸康莊坦

還同騏驥先百花纏繡勒七寶映珊瑚
鞭敢負空羣目應夸中選錢音期諧律呂
采必絢丹鉛鳳輦到臨陛螭陰已過軌
沉酣因御釀照耀藉宮蓮袖底芝房頌胸中
寶鼎篇靈河方鼓柷宿海早探泉直進三千奏
橫披九萬箋霞開赤城麗錦濯蜀江鮮帽帶蓬池
月衣霑禁苑煙風輕紅杏豔露重碧莖妍聲價南
金貴文章北斗懸蒼生待霖雨四海賴仔肩欲報清
時遇規撫在昔賢

賦得陰陰夏木嘒黃鸝

游絲落絮青春暮燕子泥香殘紅雨
棟花零亂紫

雪堆二十四番風已住芳叢好鳥金縷衣交交上
枝復下枝上枝下枝何覓曉淺喚深歌多折轉欲
轉不轉吭愈嬌王子舌寒笙未調已斷餘音又重
續秦娥夜鎖雙蛾綠翡翠樓深碧玉欄銀箏手弄
羞成曲翩躚午日追相友縑車晝嬾驚閨婦願為
布穀催耕人不學鷓鴣白門柳鷓鴣愁好春鶯啼
農事勤一疇秧鉞青刺水再疇麥浪成黃雲好音
肯為春光誤穠豔李倡家樹薔薇無力豈蕊奢
游蠶戲蝶堪為家何如葉底聲最巧煙梭霧織矜
縹緲飛入千門萬戶間天澹星疎宮漏曉

題丹霞山畫冊二十四首

劉損齊筆

夢覺關

身是夢中身覺是夢中覺夢覺豈是真不似南柯
開

錦水灘

錦水環錦石隨石為寬窄一櫓下斜陽劃破千餘
尺

園寮

玉禾一萬頃莠花三千樹明月照不全清風自來
去

別峰

一峯遮一峯別有翠千重他日來酣睡峯頭幾樹松

一憩亭

山空慮亦空久定廼生慧大睡三千年視此只一憩

傑閣晨鐘

四山圍空翠松聲與水聲有鐘無可覺自此不須鳴

紫玉臺

晨趨玉皇闕暮宿金僊家白驢方苦飢紫璫已生芽

竹坡煙雨

饒僧嚼不盡斧斤赦此山分明衆仙妾乘霧鬪青鸞

雙鏡夫容

一雙夫容鏡玉女來照影若作塵世觀羞煞胭脂井

御風亭

佳哉亭下風冷然出虛竇披襟一當之誰爲列禦

寇

海嬴晚秀

茲峰名海嬴高人為其月世故苦煎熬長向此焉縮

龍王堂

龍王嗜聽經每與山僧伍半夜瀑布聲龍王來行雨

水簾岩

星河千尺泉松江一疋布元雲不可染乾坤完太素

虹橋疊翠

雲濃知是山山淡知是雲山故以雲合雲更藉山分

片鱗秋月

風涼露亦涼一鏡萬山頂高人方熟睡嫦娥喚不醒

半岩

半岩削青天垂空路蜿蜒上上非仙人能當幾回喘

洪岩

樵路入雲細山竹經雨長自非麋鹿羣足音誰復響

龍爪岩

龍爪岩上竹風起發清音斷成千萬笛還學老龍吟

一線天

寒蛙自樂井熱魚空泣釜眼高身亦高去天一尺五

霧隱崖

玉女五銖衣仙翁十里霧此中有元豹求之無定

處

黃沙溪

清淺黃沙溪曲折黃沙斤切莫種桃花容易流紅瓣

桐子岩漁隱

種此百尺桐長畱綵鳳羣漁竿一生事不是待周文

七如來峰

一峯一如來正背相回互作者有七人想當遯緇素

蝙蝠岩

蝙蝠岩前石青蒼復峭拔夜深風露涼空勢欲活

又大書冊尾

百丈丹霞手可攀精靈一夜泣空山
斷開頑銅真多事何況圖形落世間

浦口晚眺

灣環石斥似曾經悵望還登波上亭
雨驟飛來半江黑風徐捲去一天青
糴爭勝地家安在燕掠雕梁夢易醒
迂濶方深千古慨晚鐘又送過煙汀

闍中 和程友韻

繡手曾誇薛夜來金鍼欲下更裴回
秋風健翮誰當舉明月空船幾度開
湘瑟不憐錢起夢檀琶應怨朝川才
君王新較長楊賦未必相如在草萊
和王必齋題畫馬

一樣鹽車九坂塵那教汗血不湮淪
峻嶒瘦影西風裏泣下燕臺買骨人

題西施畫筵

苧蘿一步沼吳宮枉博黃金鑄上功
爭似東家村裏住野花插鬢老春風

題馮某指畫蘭

幽姿正正復斜斜
指下春風紙上誇
切莫逢人便
圖贈如今不貴者
般花

再贈馮生

郭璞江淹拜下風
毛生灑泣管城空
勸君收拾閒
書畫畱取禪機一
豎中

張顛枉自漩頭顱
筋骨爭看指法殊
幾次欲投投
不得紫羅袍袖架
珊瑚

題樹南上人貼梅扇

春光真逐指尖彈
滿樹東風紅淚乾
還仗吾師宣

慧懺不教豔鬼冷冰紋

江浦甘令遷官邑
人遮道泣餞策蹇過之有

感

巧於愛衆拙謀生
笑爾居官徹底清
十五年中黃
蘗味甘棠換得一虛名

大笑

大笑迂儒太着魔
百凡甘苦要經過
臨文每恨知
書淺入世翻嫌識
字多放句曾如李白
未奇窮無
奈范丹何
春花秋月都堪賞
忍負年光一擲梭

玉禾山人集卷三終

